



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 22/844	Løpenr: 22/8628
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.11.2022	053/2022

Faste saker

10.11.2022 Formannskapet:

Handsaming i møtet:

Eventuelle merknader til protokollen fra førre møte:

Ingen merknader.

Orientering om kantvegetasjon:

Orientering ved Silje Elvatu Sikveland fra Statsforvaltaren i Vestland.

Før orienteringa informerte ordførar Knut Harald Frøland (Bl) kort om arbeidet for å få opp lakse- og sjøaurestamma i Samnanger, der kommunen mellom anna samarbeider med Statsforvaltaren og Eviny. Han orienterte også om fagrådet for villaks som er oppretta i Samnanger.

Rådmannen informerer:

Orientering v/rådmann Ove Sæbø:

- **Budsjett og økonomiplan.** Kort orientering om prosessen.
- **Medarbeiderundersøking.** Undersøking blir no gjennomført for alle tilsette i kommunen. Dei har svarfrist ut denne veka.
- **Bustadkonferanse 22.11.2022.** Konferansen blir på biblioteket på Bjørkheim. Kommunen har no også søkt Statsforvaltaren om skjønsmidlar til bustadprosjektet.
- **Barnevernsutvalet.** Rådmannen og kommunalsjef helse og omsorg har hatt møte med den nyvalde medlemmen i barnevernsutvalet, Tommy Thompson.
- **Budsjettseminar og seminar om relativ fattigdom.** Gode erfaringar med begge desse nyleg gjennomførte seminara.
- **Eigenberedskap.** Informasjon om eigenberedskap er no lagt ut på kommunen si heimeside.
- **Møte med Statsforvaltaren om budstadsosiale utfordringar.** Møtet vart gjennomført 26.10.2022.

Orientering v/kommunalsjef samfunnsutvikling, Hilde Lill Våge:

- **Kjøp av Eviny-bygget på Frøland.** Det er no inngått intensjonsavtale mellom kommunen og Eveny om kjøp av bygget, til pris på 7 millionar kroner.
- **Parkeringsplassen ved Samnanger helsetun/sjukeheimen.** Orientering om status for arbeidet med omlegging av innkøyringa og parkeringsplassen.
- **Stenging av vegen i Hagabakkane.** Delar av vegen blir stengd kl. 07–19 i tre veker, på grunn av skogryddingsarbeid.
- **Innmelding av feilmeldingar til kommunen.** Innbyggjarane blir oppmoda om å melda inn feil gjennom den elektroniske løysinga (Adaptive Dialog) på kommunen si heimeside.

Orientering v/kommunalsjef helse og omsorg, Edith Oma:

- **Helsejukpleiar.** Ny helsejukepleiar er tilsett. Kjem på grunn av utdanning ikkje til å starta i heile stillinga før våren 2023.
- **Sjukepleiarar i pleie og omsorg.** Det er tilsett tre nye sjukepleiarar i pleie og omsorg etter sommaren.
- **Barnevernstenesta.** Orientering om status for barnevernstenesta, mellom anna om at barnvernsleiar har sagt opp stillinga si og kva mellombelse tiltak som må iverksetjast i samband med dette.
- **Sikringstiltak i NAV sine lokale.** Informasjon om prosessen/arbeidet med dette.
- **Kontorlokalitetar for barnevernstenesta.** Informasjon om at barnevernstenesta truleg vil få nye kontorlokale.
- **Legesituasjonen.** Kommunen er no i siste fase med inngåing av arbeidsavtalar med to nye legar.

Etter orienteringa til kommunalsjef Edit Oma bad Shirin Kvernes Khadoor (Ap) om å få meir informasjon om situasjonen i barnevernstenesta og bakgrunnen for barnevernsleiar si oppseing. Rådmannen bad om at møtet vart lukka dersom det skulle gjevast meir informasjon enn den informasjonen kommunalsjefen allereie hadde gitt. Møtet vart så lukka medan formannskapet drøfta om møtet måtte lukkast dersom det skulle gjevast ytterlegare informasjon. Møtet vart opna igjen før formannskapet røysta over dette. Det vart samråystes vedteke å lukka møtet under den vidare orienteringa, med heimel i kommunelova § 11-5 andre avsnitt. Møtet vart så lukka, før formannskapet fekk meir informasjon om situasjonen i barnevernstenesta.

Utvalet sitt kvarter:

Kostnader til konsulentbruk

Odd Arne Haga (Frp) spurde om kva som er status for kostnadene til bruk av konsulenter i 2022. Kommunalsjef Karl Viken orienterte om at kostnadene er høgare enn i fjer, og at dette mellom anna gjeld bruk av konsulenter i planarbeid, mellombelse prosjekt og barnevern.

Erfaringar med IKT Nordhordland

Martin Haugen (Bl) viste til at kommunen for nokre år sidan la vår eiga IKT-avdeling og gjekk inn i det interkommunale samarbeidet IKT Nordhordland (IKTNH). Han spurde om korleis erfaringane med IKTNH er. Rådmann Ove Sæbø svara og orienterte om at erfaringane med IKTNH er gode.

Samråystes vedtak.

FORM- 053/2022 Vedtak:

Orienterings-/referatsaker vert tekne til orientering.

Rådmannen sitt framlegg til vedtak:

- Orienterings-/referatsaker vert tekne til orientering.

Oversikt over faste saker:

Eventuelle merknader til protokoll frå førre møte.

Orienterings-/referatsaker.

Utvælet sitt kvarter.